

陳氏曰唐褚藏言所序竇氏兄弟五人詩各有  
小序曰國子祭酒常中行國子司業牟貽周容管  
經略羣州列婺州刺史庠曹邠武昌中印度使肇  
友封皆拾遺并向子也五人惟群以處士薦入諫省  
庠以辟中餘皆進士科

容齋隨筆曰竇氏聯珠序云五竇之父群高宗代  
宗朝善五言詩名冠流輩時屬正懿皇后山陵上  
注意哀挽即時進三章內考首出傳諸人口有命  
婦羞蘋葉都人插柰花禁兵環素帶宮女笑

寒雲之句可謂佳唱而略無一首存於今荆公可  
家詩選亦每之是可惜也予嘗得故吳良嗣  
家所抄唐詩僅有并尚六首篇皆奇作念其不  
傳於世今悉錄并尚字遺直仕至左拾遺出為  
溧水令唐書亦稱其以詩自名云

竇氏聯珠集



連珠之義蓋取一家之言以偕列郎署法五星

如聯珠星星郎也凡詩一百首

故國子祭酒致仕贈太子少保府君詩

并傳

府君諱常中行扶風平陵人也祖宣同昌郡

唐詩紀事  
云常初聖  
字安道

尚司馬贈水部郎中皇考并尚仕至左拾遺贈尚

云二十年  
後出官後

書右僕射當代宗皇帝朝善五言詩名冠流輩

子度奏官

時屬貞懿皇后山陵上注意哀挽即時進三章

勅皆不下  
引相職久

內考首出傳諸人口者有禮遜生前貴恩追歿

之至大磨  
十四年及

後榮又命婦羞蘋葉都人插棹花又禁兵環素

詩正作

少保作

帝宮女災寒雲備在文集故刑部侍郎包佶  
序府君同氣五人各載首序府君大曆十四年  
舉進士與故吏部侍郎奚陟商州牧下俛祕校  
獨孤授同年上第迨拾遺下世力養終親家每  
舊產百口漂寓由是棄高科於盛時就泉府之  
少職還迴者十季厥後載家禍因卜居  
柳楊西偏流泉種竹隱几著書者又十載由  
擢第至釋褐凡二十年洎貞元十四年秋成德  
軍節度使太尉王公命從事御史盧泚貶五百  
金辟為掌記不就其季淮南節度左僕射霸陵

杜公奏為參謀授祕書省校書郎厥後歷泉府  
從事由協律郎遷監察御史裏行居無何湘東  
倅戎轉殿中侍御史賜緋魚袋元和六年由侍  
御史入為水部員外郎亦既二歲婚嫁未畢求  
牧守之官出為朗州刺史轉固陵潯陽臨川三  
郡既罷秩東歸舊業時宰嘉招固辭衰病因除  
國子祭酒致仕寶曆元年秋寢疾告終于廣陵  
之白沙別業享年七十七其年詔贈越州都督  
會昌元年武宗即位恩覃中外嗣子弘餘任廣  
州刺史准赦改贈太子少保有文一十八卷西

江逸民褚歲言製序

晚次方山精舍却寄張薦負外

楚臆還無雪江春又足風馬羸三徑外人病四愁  
中西塞波濤濶南朝寺舍空猶銜步兵酒宿醉在  
除東

除年除

和裴端公樞蕪城秋夕簡遠近親知

歲積登朝戀秋加陋巷貧宿醒因夜歌佳句得愁  
新盡日憑幽几何時上軟輪漢廷風憲在應念匪  
躬人

謁諸葛丞相侯廟

永安宮外有祠堂魚水恩深祚不長角立一方初  
退舍擬稱漢更圖王人同過隙無留影石在窮沙  
尚啟行歸蜀降吳竟何時事為陵為谷共蒼蒼

奉賀太保岐公承恩致政

君為海內為君為公保及清時冠蓋初閑拜武遲五色詔中宣  
九德百寮班外置三師山泉遂性休稱疾子弟能  
官各受詞不學鑄金思范蠡乞言猶許上丹墀

四皓祠堂即事

孀  
奪嫡心萌事可憂四賢西笑暫安劉後王不敢論  
珪組土偶人前枳樹秋

項亭懷古

力取誠多難天亡路亦窮有心裁帳下無面到江東  
命厄留驢處年銷逐鹿中漢家神器在須廢拔山功

奉使西還早發小礪館寄盧滁州邁

野棠花覆地山館夜來陰馬蹟穿雲去雞聲出澗  
深清風時偃草久旱或為霖試與惇嫠話猶堅借  
寇心

之任並陵寒食途次松滋渡先寄劉員外禹

錫

紀事  
作在

杏花榆筭曉風前雲際離：上峽船江轉數程淹  
驛騎楚曾三戶少人烟看春又過清明節筭老重  
經癸巳年牽得枉山當郡舍在朝長咏卜居篇  
奉贈竇大員外兄松滋渡見寄之作

朗州員外司馬劉禹錫

鄉橋楚鄉寒食菊花時野渡臨風駐綵旗艸色連天人  
去住水紋如縠燕參差朱輪尚憶羣飛雉青綬初  
懸左顧禹非是溢城魚司馬水曹何事與新詩

奉送職方崔員外攝中丞新羅冊使

帝命海東使人行天一涯辨方知木德開國有金

家丹拜申恩重田懽作限賒順風鯨浪熟初日錦  
帆斜夜色潜然火秋期獨注槎慰安皆喻旨忠信  
自無瑕髮美童年髻參香子月花便隨琛贖入正  
朔在中華

早發金鈎唐寄奚十唐大二茂材

出門山未曙風葉暗蕭蕭月影臨荒柵泉聲近廢  
橋歲經秋後役程在洛中遙寄謝金門侶弓旌悞  
見招

途中立春寄懷楊卯伯

紀事作  
猶非浪跡終年客驚心此地春風前獨去馬澤畔耦耕

紀事作  
如物人老大交情重悲涼物外親子雲今在宅應見柳  
條新

七夕寄懷

紀事作  
李匹露盤花水望三星髣髴虛無為降靈斜漢沒時人  
不寐幾條蛛網下風庭

故祕監丹陽郡公延陵包公挽歌詞

札卓絕明時弟孤貞貴後貧郝詵為曹子季札是鄉  
人筆下調金石花間領搢紳那堪歸葬日哭渡柳  
楊津

涼國惠康公主挽歌

玉立分堯緒，筭年下相門。早加于氏對，偏占館陶  
恩。淚有潛成血，香無却返魂。共知何駙馬，垂白抱  
天孫。

哭張倉曹南史

萬事竟蹉跎，重泉恨若何。官臨環衛小，身逐轉蓬  
多。麗藻嘗專席，閑情欲爛柯。春風宛陵路，丹旆在  
滄波。

姊作弟

過宋氏五女舊居

宋氏女弟五人  
貞元中同入宮

謝廷風韻婕妤才，天縱斯文去不迴。一宅柳花今  
似雪，鄉人擬築望仙臺。

奉寄辰州房使君郎中

漢代文明今盛明，猶將賈傳暫專城。何妨密旨先  
符竹，莫是除書誤姓名。蝸舍喜時春夢去，隼旗行  
處瘴江清。新年只可三十二，却看潘郎白髮生。  
笑

酬竇大閑居見寄

辰州刺史房孺復

來自三湘到五谿，青風每樹不猿啼。名慙竹使官  
情少，路隔桃源歸思迷。鵬鳥賤成知性命，鯉魚書  
至恨睽。攜煩君強著，潘年比騎省風流，詎可齊。

北固晚眺

作  
山

水園芒種後梅天風雨涼露管開晚簇江蕪繞危  
檣山趾北來固潮頭西去長年此登眺人事幾  
銷亡

謁三閭廟

君非三諫寤禮許一身逃自樹終天戚何禪事主  
勞衆魚應餌骨多士盡鋪糟有客斟漿奠文哀不  
繼騷

杏山館聽子規

楚塞餘春聽漸稀  
斷猿今夕讓雲埋  
老樹空山裏  
騷騷千聲一度飛

照善抄  
本添入

故國子司業贈給事中扶風竇府君詩



府君諱牟字貽周家世所傳載於首序府君貞  
元二年舉進士與從父弟故相贈司徒易直故  
相贈少師李公夷簡故兵部侍郎張公賈故工  
部侍郎張公正甫同年上第府君初授祕校東  
都留守從事歷河陽三城從事累轉協律郎許  
事監察御史裏行府罷復為留守判官轉殿中  
侍御史尋為昭義節度判官累遷檢校水員部  
外轉奉司郎中兼御史賜緋魚袋後為留守判  
官檢校尚書都官郎中出為澤州刺史改國子



司業長慶三年春寢疾告終于宣平里之私第  
享年七十四嗣子周餘任祕書丞今上即位恩  
覃內外准赦文大中四年贈給事中府君和粹  
積中文華族外唯琴與酒克儉于家時人以為  
有前古風韻世為五言詩加以筆述文集十卷  
未暇編錄

史館底別蔣拾遺不遇

千門萬戶迷佇立月華西畫戟晨光動春松宿露  
低主文親玉宸通籍入金闈肯念從戎去風沙事  
鼓鞞

臨本銀

早赴臨臺立馬待漏口號寄弟羣

上陌行初盡嚴城立未開人疑早朝去客是遠方  
來伏奏徒將命周行自引才可憐霄漢曙鴛鴦正  
徘徊

天津曉望因寄呈分司一二省郎

萬乘西都去千門正位虛鑿龍橫碧落提象出華  
胥望幸宮嬪老迎春海燕初保釐纔半仗容衛盡  
空廬要自詞難擬由來畫不如散郎無所屬聊事  
穆清居

竇洛陽見簡篇章偶贈絕句

恭王傅楊憑

直用天才眾却瞋應欺李杜久為塵南荒不死中  
華老別玉翻同西國人

奉酬楊侍郎十兄見贈之作

翠羽雕蟲日日新翰林工部欲何神自悲由瑟無  
彈處今作關西門下人

早入朝書事

畫

紫陌紛如画彤廷鬱未晨列星沉騎火殘月暗車  
塵隱軼排霄翰差池跨海鱗玉聲繁侶樂香澤散  
成春歎息驅羸馬分明識故人一生三不遇今作

老郎身

秋夕閒居對雨贈別盧七侍御坦

紀事作

紀事作

燕歸巢蟬蛻枝窮居積雨壞藩籬夜長雷寒

紀事作

無寢日晏厨烟濕未炊悟主一言那可學從軍五  
百竟徒為故人驄馬朝使洛下秋聲恐要知天

杏園渡

人  
衛郊多壘少年家南渡天寒日又斜君子素風悲  
已矣杏園每復一枝花

元日喜聞大禮寄上翰林四學士中書六舍

人二十首

臨

有事郊壇畢，無私日月。歲華春更早，天瑞雪猶  
深。玉輦迴時，令金門降德音。翰飛鴛鴦，別侶叢  
植桂，為林粉澤。資鴻筆，薰和奉，素琴禮成。戎器  
下恩，徹鬼方，沉麟爵。來稱紀官師，退絕箴道風。  
黃閣靜祥景，紫垣陰壽酒。朝時獻農書，直夜尋國  
香。煜翠幄庭燎，赭紅衾。漢魏文章盛，堯湯雨露湛。  
容辭投水石，精義出砂金。宸辰親唯敬，鈞衡近匪侵。  
疾侵千里駿，清戾九霄禽。慶賜迎新服，齋莊棄舊簪。  
忽思班女怨，途聽越人吟。末路甘貧病，流年若海淫。  
夢中青瑣闥，歸處碧山岑。竊抃聞韶濩，觀光想棘任。

疾侵汲古閣本  
作疾

疾侵

紀事作  
長驅

紀事作  
苦滯

紀事

大哉環海晏，不竿子年心。

君本尹

維氏拜陵迴道中呈李舍人少君

忽忝諸卿位，仍倍長者車。禮容皆若舊，名藉自憑  
虛。上路花偏早，空山雲甚餘。却愁新詠蒺，酬和不  
相如。

陪韓院長韋河南同尋劉師不遇

仙客誠難訪，吾人豈易同。獨遊應駐景，相顧且吟  
風。藥畹瓊枝秀，齋軒粉壁空。不題三五字，何以達  
壺公。

同前得尋

都官負外郎韓愈

秦官何年駐仙源  
此地深還隨躡蹻  
騎未訪馭風襟  
院閉青霞入松高  
老宦尋猶疑隱形  
坐敢起竊桃心

同前 得師

河南縣令韋執中

早上逍遙境常懷汗漫期  
星郎同訪道羽客杳何  
之物外求仙侶人間失我師  
不知柯爛者何處看圍棋

奉誠園聞笛園馬侍中故宅

曾絕珠纓吐錦茵  
欲披荒草訪遺塵  
秋風忽灑西園淚  
滿目山陽笛裏人

李舍人少尹惠家醞一小榼立書絕句

禁瑣天漿嫩虞行夜月寒  
一瓢那可醉應遣試嘗看

荅竇二曹長白酒還榼一絕

河南少尹李益

榼小非由榼星郎是酒星  
解醒元有數不用嚇劉伶

送東光呂少府之官連帥奏授

連帥奏授四字  
應註于官字下

遠愛東縣光平臨若木津一城先見日百里早驚  
春德禮邀才重恩輝拜命新幾時裁尺素滄海有  
枯鱗

送劉公達判官赴天德軍幕

特建青油幕量紫禁師自然知  
召子不用問從誰  
文盞輕車少腥膻在左衮北風如有寄函取受降  
時軍有東西受降城

故祕監丹陽郡公延陵包公挽歌

台鼎嘗虛位  
鼉龍莫致堯  
德音冥祕府  
風韻散清  
朝天上  
文星落林端  
玉樹凋有吳君子墓  
返葬故

山途

晚過敷水驛却寄華州使院張鄭二侍御  
春雨如烟又若絲  
曉來昏處晚晴時  
仙人掌上芙蓉沼  
柱史關西松栢祠  
幾許歲銷華道路無窮王事  
繫戎師迴瞻二妙非吾侶  
日對三峯自有期

洛下閒居夜晴觀雪寄四遠諸兄弟

雪月相輝雲四開  
終風動凍不揚埃  
萬重瓊樹宮  
中接一直銀河天  
上來荆楚歲時知  
染翰湘吳醇  
耐耐憶銜杯強題  
縑素無顏色  
鴻雁南飛早晚迴  
奉酬侍郎家兄東洛閑居夜靜觀雪之什

試國子主簿庠

洛陽宮觀與天齊，雪淨雲銷月未西。  
清淺乍分銀漢近，光輝漸覺玉繩低。  
綠櫺乍熟堪聊酌，黃竹篇成好命題。  
應念盍闕山斷處，空愁簿領候晨雞。

奉使至邢州贈李八使君

獨占龍岡部，深持虎節居。  
盡心敷吏術，含笑掩兵書。  
禮飾華纓重，才華雅製餘。  
茂陰延驛路，溫液逗官渠。  
南畝行春罷，西樓待客初。  
髮頭開綠蟻，砧下落紅魚。  
牧伯風流足，輜軒苦著澁虛。  
金宵鈴閣內，醉舞復何如。

秋日洛陽官舍寄上水部家兄

洛陽歸老日，此縣忽為君。  
白髮兄仍見，丹誠帝豈聞。  
九衢橫逝水，二室散浮雲。  
屈指豪家盡，傷心要地分。  
禁中周幾鼎，源上漢諸墳。  
貔虎今每半，狐狸宿有群。  
威聲慙比部，仁化樂南薰。  
野藥飢來食，天香靜處闌。  
然壯年唯喜酒，幼學便訶文。  
及尔空哀算，離憂詎可闌。云

酬舍弟牟秋日洛陽官舍寄襄十韻

尚書水部員外郎常

幼為逃難者，終省用兵初。  
去國三苗外，全生四絕

處  
末  
餘老頭親帝里歸去失吾廬逝水猶嗚咽祥雲自  
卷舒正郎曾首拜亞尹取平除幾變陶家柳空傳  
魏闢書思凌天際雀言轍中魚玉立知求已金聲  
乍起予在朝魚水分多病雪霜居忽報陽春曲縱  
橫恨不如

望終南

日愛南山好時逢夏景殘白雲兼似雪清昼乍生  
寒九陌峯如墜千門翠可圍欲知形勝盡都在紫  
宸看

酬舍弟庠罷舉從州辟書

之荆且願依劉表折桂終慙見郗詵舍弟未應絲  
佐鬢園公不用印隨身

故朝議郎御史中丞容管經略使賜紫金魚袋  
左散騎常侍扶風實府君詩



府君諱羣字丹列家世所傳載於首序府君由  
弱冠不樂進士之科便於著書耕墾墳籍既孤  
以蔬素自適著書於毗陵之西編給長兄之俸  
而與諸季安於膝下者十稔泊再罹內艱殆盡  
而復前者數四厥後郡守給事中京兆常公夏  
卿知公以為江左文雅每出其右適貞元十年  
詔徵天下隱居丘園不求聞達之士常公遂薦  
焉與桂山處士劉明素同表公之言云受天清



氣與道道遙時人以為孔北海拔福衡之文未  
之過也其時天下慰薦九人公獨不除授其  
後韋公移牧吳郡又以公所著史記名臣疏三  
十四卷進入皆寢而不報人皆異之公自以為  
通塞繫于命靜而俟之厥後韋公入為天官侍  
郎改京兆命中謝之日德宗與之緒言韋進曰  
臣忝居達官而竊負其位上曰卿有何負奏曰  
臣守畧陵日薦處士竇群於時獨蒙不錄後臣  
在蘇州又進竇群所著名臣疏又蒙不答臣以  
為以人而廢在臣則當然言羣則屈上乃驚曰

卿之知人固無疑卒不問者乃宰執之失也便宣  
即令召對此貞元十八年也公即日起于衡泌  
白衣召見上謂公曰夏卿知卿卿有何蘊蓄得  
以盡言公從容對曰臣每蘊蓄茅讀書俟時夫  
蘊蓄者迹在近班進有所不納諫有所不聽臣  
即蘊蓄如臣處於州茅但仰玄化而已實每蘊  
蓄上甚竒其對便宣令付中書即除諫官釋褐  
授右拾遺居無何祕監張公薦和蕃請公為判  
官因改侍御史其後有故不行請復本列上不  
許遂守御史俄兼領襍務德宗晏駕改膳部貢

外郎出為唐州刺史司空于公鎮漢南奏公為  
節度副使檢校兵部郎中兼中丞加紫金居無  
何除吏部郎中遷御史中丞以舉職太過出為  
黔中觀察使後以十洞擾亂准詔用兵剪伐事  
平坐貶開州刺史亦既周歲除容管經畧使憲  
宗以公守官每隱思欲大用因急詔追入中蹕  
遘疾終於衡州旅館享年五十五贈左散騎常  
侍公有子曰謙餘審餘偕孝敬相率審餘應進  
士公天授和粹亮直孤姿著書俟用隱於衡泌  
未嘗以名利枉其所守時論以公有公輔之望

卒無所伸文集散落未暇編錄

題劍

丈夫得寶劍束髮曾書紳嗟吁一朝遇願言千載  
隣心許家田家樹辭直斷佞臣焉能為繞指拂拭試  
時人

黔中書事作懷

萬事非京國千山擁麗譙佩刀看日晒賜馬傍江  
調言語多重譯壺觴每獨謠公流如着翅不敢問  
歸橈

初入諫司喜家室至

一旦悲懽見孟光十年辛苦伴滄浪不知筆硯緣  
封事猶問慵書日幾行

艸堂夜坐

匣中三尺劔天上少微星勿謂相去遠壯心曾不  
停

鍊師本作諫卿

冬日曉思寄楊二十七鍊師

兩霜地如雪松桂青參差宦警晨光上步出南軒  
時所遇各有適我懷亦自怡願言緘素封昨夜夢  
瓊枝

貞元末東院嘗接事今西川武相公于茲三

寄作繼

周<sup>中</sup>諤領中憲徘徊廳宇多獲文篇夏日即事  
因繼四韻

重軒深似谷列柏鎮含烟境絕蒼蠅到風生白雪  
前彈冠驚迤近專席感息偏霄漢朝來下油幢路  
幾千

晨興贈友寄呈竇開州

西川節度使檢校吏部尚書兼門下侍郎同  
中書門下平章事武元衡

江城歲方晏晨起眄庭柯白露傷紅葉清飈斷綠  
蘿狗時真氣索念遠憂懷多宿昔東山意縱橫南

浦波有美婵娟子百慮攢双蛾絨情鬱不舒絲竹  
自駢羅為予苦歌寒旨酒朱顏酡鬢髮條云變功  
名將奈何

奉酬西川益相公晨興贈友見示之作

碧樹分曉色宿雨弄清光猶聞子規啼獨念一聲  
長眷：軫芳思依：寄遠方情同如蘭臭惠比反  
魂香新什驚變雅古瑟代沉湘殷勤見知己掩抑  
繞中腸隙駟不我待路人易相忘孤老空許國幽  
報期蒼

竇三中丞去歲有臺中五言四韻之什未及

酬荅承領鎮黔南途經蜀門百里而近願言  
欵覲封畧間之因追酬曩篇持以為贈

劔南西川節度使檢校吏部尚書兼門下

侍郎同平章事武元衡

在昔謬司憲嘗僚唯有君報恩如皎日致位等青  
雲削彙書難見除苛事早聞双旌不可駐風雪路  
岐分

雪中寓直

寒光撥雪彩限直居粉闥恍疑白雲上下覺金印  
非樹色藹虛空琴聲諧素薇明晨阻通籍獨卧挂

朝衣

同前

吏部員外郎常貫之

耿風弄雪直廬未掩扉咏蘭幽助興儷玉粲相  
輝氣勁琴韻切夜深爐火微雖殊江海遠即此戀  
彤闈

春雨

昨日偷閑看花了今朝多雨奈人何人間盡是逢  
花雨莫愛芳菲溼綺羅

東山月下懷友人

是詩似

東山多喬木月午始蒼蒼雖殊碧海狀愛此青苔  
光高下滅華燭參差起洞房佳人夢餘思寶瑟愁  
應商皎潔殊未已沉吟限一方宦情哂雞口世路  
倦羊腸彼美金石分眷言蘭桂芳清暉詎同夕耿  
耿但相望

贈劉大兄院長

萬年枝下昔同趨三事行中半已每路自長沙忽  
相見共驚雙鬢別來殊

奉酬竇三中丞見贈

金州員外司馬劉伯翁

多幸嘗陪侍玉墀俄驚負譴阻天涯今日相逢問  
榮悴更嗟年髣髴哀

經潼關贈宇文十

古有弓旌禮今徵艸澤臣方同白衣見不是棄繻  
人

送內第袁德師

南渡登舟即水仙西垣有客思悠然因君相問為  
官意不賣毗陵負郭田

觀畫宦

華亭不相識衛國復誰知悵望冲天羽甘心任畫

師

北地

何事到容州臨池照白頭興隨年已往愁与水長  
流僂俛思逋客辛勤悔飯牛詩人亦何意樹艸欲  
忘憂

時興

夙心曠何許日暮依林薄流水不待人孤雲時映  
宦濛、千萬花曷為神仙藥不遇爛柯叟報非舊  
城部

雨後月下寄懷羊二十七資州

夕霽涼颼至，脩然心賞諧。  
清光松上月，虛白郡中齋。  
置酒平生在，開矜願見乖。  
殷勤寄双鲤，夢想入君懷。

晚自臺中歸永寧里南望山色悵然有懷呈  
上司十一兄

白髮侵、生有涯。青襟曾愛紫河車。  
自憐悟主難歸去，馬上看山恐到家。

假上尋花

武陵綠源不可到，河陽帶縣詎堪誇。  
枝、如雪南關外，一日休閒盡屬花。

上  
每日

中年縣經魯公廟

嘗脩名臣畧繫司徒公

青史編名在篋中，故林遺廟揖仁風。  
還將文字如顏色，暫下蒲車為魯公。

故朝議郎婺州刺史上柱國扶風實府君詩



府君諱庠字曾卿家世所傳載于首序府君初  
應進士感於知己一言遂從事於商洛授國子  
主簿未幾而罷待吏部侍郎韓公出鎮武昌美  
公之才辟為節度推官以監察御史俄而昌黎  
移鎮京口用為度支副使改殿中侍御史昌黎  
却入公至輦下遷漳州刺史秩滿時光祿卿范  
公由吳郡領宛陵奏公試太子中允兼侍御史  
為團練副史加章服府罷除奉天縣令遷登州  
刺史昌黎公畝守東都又奏授公為汝州防禦



判官改檢校戶部員外郎兼侍御史後遷信州  
刺史三載轉婺州亦既二載疾遘告終於東陽之  
官舍享年六十有二公天授倜儻氣在物表一  
言而合期於歲寒為五字詩頗得其妙嗣子匡  
餘疾沒世次曰繇晉州司法次曰載國子監直  
講皆克荷素風聿脩官業詩筆散落編錄未  
遑

太原送穆贛南遊

今朝天景清秋入晉陽城露葉離披處風蟬三數  
聲那言苦行役值此遠徂征莫話心中事相看氣

不平

四皓驛聽琴送王師簡歸湖南使幕

清  
朱絃韻正調日夜似聞韶山館月猶在松枝雪未  
消城笳三奏曉別雀一聲遙明日思君處春泉翻  
寂寥

夜行古戰場

山斷塞初平人言古戰庭泉冰聲更咽陰火燄偏  
青月落雲沙黑風迴艸木腥不知秦與漢徒欲吊  
英靈

竇五判官罷舉赴商州辟書袖文相訪書懷

話舊因杼鄙辭

重表兄太府卿賜紫金魚袋常渠年

故舊相逢三兩家愛君兄弟有聲華文揮彩錦珠  
垂露興逸江天綺散霞美自矜頻獻璞真金誰與  
細披砂終須撰取新詩品更比芙蓉出水花

酬謝常卿二十五兄俯贈輒敢書情

大賢持贈一明璫蓬華初驚滿室光埋沒劍中生  
紫氣塵埃瑟上動清商荆山璞在終應識楚國人  
知不是狂莫恨伏轅身未老會將筋力是王良

段都尉別業

曾識將軍段正碑幾場花下醉如泥春來欲問林  
園主桃李無言鳥自啼

靈臺鎮丘岑中丞

曉日天山雪早晴紅旗遙識漢家營近來胡騎依  
南牧羊馬城邊春艸生

奉和王侍郎春日喜李侍郎崔給諫張舍人

韋諫議見訪因命觴觀樂之什

華館遲嘉賓逢迎淑景新錦筵開絳帳玉佩下朱  
輪曲裏三仙會風前百轉春欲知忘味處共仰在  
齊人

勅目至家兄蒙淮南僕射杜公奏授祕校兼  
節度叅謀同書寄上

朝市三千里園廬二十春步兵終日飲原憲四時  
貧桂樹苗人久逢山入夢新雀書承處重鵲語喜  
時頻州奏才偏委嘉謀事最親因榻徐孺解醴為  
穆生陳衛國今多士荊州好寄身烟霄定從此非  
假問陶均

贈道芬上人

上人善画松石

雲濕烟封不可闕畫時唯有鬼神知幾迴著逢天  
台客認得崑西最老枝

### 金山寺

一點青螺碧浪中全依水府與天通晴江萬里雲  
飛盡鰲背叅差日氣紅

酬韓愈侍郎登岳陽樓見贈

時予權知岳州事

巨浸連空濶危樓在杳冥稍分巴子國欲近老人  
星昏旦呈新候川源按舊經地圖封七澤天限鎖  
重扃萬象皆歸掌三光豈遁形月車終碾浪日御  
已翻溟落照金城柱餘霞翠屏夜光疑漢曲寒韻  
辨湘靈山晚雲常碧湖春艸偏青軒黃曾舉樂范  
蠡幾揚舫有客初回鷁貪程尚數蓂自當徐孺榻

不是謝公亭雅論冰生水雄材刃發硯座中瓊玉  
閨名下並蘭馨假手誠知拙齋心匪整寧每慙公  
領 府粟却憶故山苓苦調當三嘆知音調一聽自悲  
由也瑟敢墜孔悝銘野杏初成雪松醪正滿瓶莫  
辭今日醉長恨古人醒

冬日寓懷奉寄翰林王補闕

滿地霜蕪葉下枝幾迴斷吟四愁詩漢家若欲論  
封禪須及相如未病時

醉中贈符載

白社會中嘗共醉青雲路上未相逢時人莫小池

中水淺處每妨有卧龍

東都嘉亮亭詩獻田守韓僕射

卜築三川上儀刑萬井中度材垂後儉選勝掩前  
功雲構中央起烟波四面通乍疑游汗漫稍似入  
崆峒屢開高低盡山河表裏窮峰巒從地碧宮觀  
倚天紅靈檻如朝蜃飛橋狀晚虹曙霞晴錯落夕  
靄溼葱龍庾亮樓何阨陳蕃榻更崇有時閑講德  
永日靜觀風玉笋飛每筭金鏡奏未終重筵開玳  
瑁上客集鸕鴻接武空慙蹇脩文敢並雄豈須登  
峴首然後奉羊公

由守府酬皇甫曙侍御弹琴之什  
青瑣畫無塵碧梧陰似水高張朱絃琴靜舉白玉  
指洞簫又奏絲寒磬一聲起霍警風露中泉飛雪  
雲裏冷々分雅鄭析々諧宮徵座客無塵心巢禽  
亦傾耳衛國知有人齊等偶相齒有時趨絳紗盡  
日隨朱履那令襍絲手出假求隼尾幾載遺正音  
今朝自君始

龍門看花

無葉無枝不見空連天撲地迢絕通山鶯驚起酒  
醒處火焰燒人雪噴風

金山行

潤州金山寺在江心

西江中瀰波四截湧出一峯青埽堞外如削成平  
缺裂陽氣發生陰氣結是時炎天五六月上有火  
雲下冰雪夜色晨光相蕩沃積翠流霞滿坑谷龍  
泓徹底沙布金鳥道插雲梯甃玉架險凌虛隨指  
顧椽楠玲瓏皆固護幹流倒景不可窺萬仞千崖  
生跬步日華重腫上金罍丹楹碧砌真珠網此時  
天風海浪清吳楚萬家皆在掌瓊樓菌閣分明媚  
曲檻迴轉深且邃海鳥夜啼上珊瑚枝江花曉落琉  
璃地有時倒影沉江底萬狀分明光似洗不知水

真作冥

徽

上有樓臺却就波中看  
啓閉舟人忘却江水深水  
神誤到人間世欵然風生波出沒  
濯濯晶瑩每定物居人相顧  
非人間如到日宮經月窟  
信知靈境長有靈住者不得  
無仙骨三神山上蓬萊宮  
徒有丹青人未逢何如此處  
靈山宅清涼不与鷲塵隔  
曾到金山處行夢魂長羨  
金山客

于闐鐘歌送靈徽上人歸越

靈嘉寺鐘按越中記此鐘本于闐國寺鐘因風雨失鐘所在有天竺僧過于闐識此鐘于越靈嘉寺至今鎖在寺樓

海中有國傾神功  
烹金化成九乳鐘  
精氣激射聲  
冲融護持海底諸魚龍  
聲有感神無方連天雲水  
無津梁不知飛在靈嘉寺  
一國之人皆若狂東南之美  
天下傳環文萬象無雕鐫  
有靈飛動不敢懸鎖在危樓  
五百年有時清秋日正中  
緜霜地天每風一聲洞徹八音  
盡萬籟悄然星漢空徒凡言質  
千鈞重一夫之力能振動  
大鳴小鳴須在君不擊不考  
終不聞高僧訪古誓山曲  
終日當之言不足手提文鋒  
百鍊成恐荆此鐘無一聲

陪函守僕射廵內至上陽宮感興

紀事  
一韓字

紀事  
作數

作姻事

翠輦西歸七十春，玉堂珠綴儼埃塵。或皇弓劍埋何處，泣問上陽宮裏人。  
愁雲漠漠艸離離，太液鈎陳處。疑薄葬毀垣，春雨裏殘花猶發萬年枝。

故武昌軍節度副使朝散大夫檢校秘書監兼御史中丞扶風實府君詩



府君諱鞏字友封家世所傳載于首序府君元和二年舉進士與今東都田守左僕射孫公簡故吏部侍郎興元節度使王公源中中書舍人崔公咸制誥李公正封同年第府君世傳五言詩頗得其妙故相淮陽公鎮滑臺辟為從事釋褐授祕校淮陽移鎮渚宮遷峴首改協律郎二府專掌奏記淮陽下世司空辭公平鎮青社辟公為掌書記又改節度判官副使累遷至大

理評事監察御史裏行殿中侍御史檢校祠部  
員外郎章服後辭公入為民曹府君除侍御史  
轉司勳員外郎遷刑部郎中文昌故事文酒之  
為由公復振也故相左轄元公出鎮夏口固請  
公副戎分實舊文詞不能免遂除祕書少監兼  
中丞加金紫每何元公下世公亦北歸道途邁  
疾迨至輦下告終于崇德里之私第享年六十  
三有子六人長曰景餘疾歿世次歸裕見任晉  
陽令俱力學脩文孝敬相率公溫仁華茂風韻  
峭逸遇必言詩言之必破的佳句不泯傳於人

間文集散落未暇編錄

老將吟

烽烟猶未盡年鬢暗相催  
輕敵心空在響弓手不  
開馬依秋艸病柳傍故  
人摧唯有酬恩客時聽說  
劍來

廿四

贈蕭都官

蕭郎自小賢愛客不言錢  
有酒輕寒夜無愁倚少  
年間尋織錦字醉上看  
花船好是關身事從人道  
性偏

江陵遇元九李六二侍御紀事書情呈十二



韻

自見人相愛如君愛我稀  
好閑容問道攻短每言  
非夢想何曾間追歡未省違  
看花憐後到避許先  
歸柳寺春隄遠津橋曙月微  
漁翁隨去處禪客共  
因依蓬閣初疑義霜臺晚畏威  
學深通古字心直  
觸危機肯滯荊州掾  
猶香栢署衣山連巫峽秀田  
傍渚宮肥美玉方齊價  
遷鶯尚怯飛行看霄漢上  
連步待彤闈

酬竇七相贈依次重用本韻

江陵府士曹參軍元稹

風波千里別書信二年稀  
乍見悲兼喜猶疑是與  
非身名判作夢杯盞莫相違  
艸館同林宿沙頭待  
月歸春深鄉路遠老去宦情微  
魏闈何由到荊州  
且依共人欺翻省事官冷易  
藏威刺擬馴鷗鳥每  
因用弩機看和松葉酒開施  
稻田衣蓴菜銀絲嫩  
鱸魚雪片肥憐君詩似涌贈筆  
如飛會遣諸伶唱  
篇、入禁闈

忝職武昌初至夏口書府主相公

事敬

白髮放橐鞬梁王愛舊全  
竹籬江畔宅梅雨病中  
天時奉登樓宴閑脩上水船  
邑人興誇易莫遣宦

猜錢

戲酬副使中丞見示四韻

武昌軍節度使檢校戶尚書元稹

莫恨暫繫鞵交游幾箇全  
眼明相見日肺病欲秋天  
五馬虛盈糖雙蛾浪滿船  
可憐俱老大無處用閑錢

微之見寄與竇七酬唱之什本韻外勇加兩韻

河南尹白居易

旌鉞從橐鞵賓寮情禮全  
夔龍要來地鴛鴦下寥

一本合字下註音聞

天赭汗騎驕馬青蛾舞醉仙  
合成江上作散到洛中  
傳窮蒼能無酒貧池亦有船  
春裝秋未寄漫道足閑錢

竇七中丞見示初至夏口獻元戎詩輒戲和之

山南東道節度使檢校司徒兼侍中晉國公裴度

出左青油幕來吟白雪篇  
須為九皋窟莫上五湖船  
故態君應在新聲我亦便  
元侯看再入好被暫

留連

開鄂州初教  
文詔若若工

定字後自補假  
多字云治如也  
初也

鄂州使至竇七副使中丞見示與元相公獻  
酬之什鄙人任戶部尚書時中丞是當司貲  
外郎每示篇章多相唱和今因四韻以寄所  
懷

吏部尚書令狐楚

仙吏秦城別新詩鄂渚來才推今八米職副舊三  
台雕鏤心偏許緘封手自開何年相贈答却得在  
中臺

早秋江行

迴望溢城遠西風吹荻花暮潮江勢闊秋雨雁行

斜多醉無渾夢頻愁欲到家漸驚雲樹轉數點是  
晨鴉

題任處士幽居

紅葉江村夕孤烟艸舍貧水清魚識釣林靜犬隨  
人探掇山無主扶持藥有神客來唯勸酒蝴蝶是  
前身

南遊感興

傷心欲問前朝事唯見江流去不迴日暮東風春  
艸綠鷓鴣飛上越王臺  
放魚

一作免  
任事注云  
武昌時也

金錢贖得見刀痕聞道禽魚亦感恩好去長江千  
萬里不須辛苦上龍門

漢陰驛與宇文十相遇旋歸西川固以贈別  
吳蜀何年別相逢漢水頭望鄉心共醉握手淚先  
流宿霧千山曉春霖一夜愁離情方浩蕩莫說去  
刀州

### 早春松江野望

江村風雪霽曉望忽驚春耕地人來早營巢鵲語  
頻帶花移樹小插槿作離新何事勝無事窮通任  
此身

陝府賓堂覽房杜二公仁壽年中題紀手迹  
仁壽元和二百年濛籠水墨淡如烟當時憔悴題  
名日漢祖龍潛未上天

### 登玉鈎亭奉獻淮南李相公

西南城上高處望月分明似玉鈎朱檻入雲看  
鳥滅綠楊如薺遠江流定知有客嫌陳榻從此無  
人上庾樓今日捲簾天氣好不勞騎馬看揚州

### 早春送宇文十歸吳

春遲不省似今年一月無花雪滿天村店閉門何  
處宿夜深途喚江舡

一作新  
一作隔

少婦詞

坐惜年光變遼陽信未通  
燕迷新瓦屋春識舊花  
蓼夢繞天山外愁翻錦字中  
昨來誰是伴鸚鵡在  
簾櫳

歲晚喜遠兄弟至書情

幾年滄海別相見意多違  
鬢髮綠愁白音書為懶  
稀新詩徒有贈故國未同歸  
人事那堪問無言是  
與非

南陽道中作

東風雨洗順陽川蜀錦花開綠  
艸田彩雉鬪時頻

駐馬酒旗翻處亦留錢  
新晴日照山頭雪薄暮人  
爭渡口船早晚到家春欲盡  
今年寒食月初圓

哭呂衡州八郎中

今朝血淚問蒼天不  
分先悲旅館喪人送劍來歸  
隴上雁飛書去叫衡陽  
還家路遠兒童小埋玉泉  
深晝夜長望盡數車秋艸外  
欲將身贖返魂香

贈阿史那都尉

校獵燕山經幾春  
雕弓白羽不離身  
年來馬上渾無力  
望見飛鴻拍似人

經竇車騎故城

荒坡古堞欲千年名振圖書劔在泉今日諸孫拜  
墳樹愧無文字續蕪然

遊仙詞

海上神山綠溪邊杏樹紅不知何處去月照玉樓  
空

代隣叟去年七十罷耕桑就晚支羸強下牀滿眼兒孫身外事鬢白髮對殘陽  
永寧小園寄接近投書云故里心期未別何手栽芳樹憶庭柯東臯黍熟君應醉梨葉初紅白  
寄南遊弟兄云書未報幾時遂知在三湖五嶺間獨步衡門秋水澗寒鴉飛去日輝山  
自京將赴黔南云感兩荆州二月天閩人初雇峽中船西南一重雲和水猶道黔南有四千  
宮人斜云離宮遠路北原科土瓦息深不到家雲雨全疑何處去黃鸝飛上野棠花  
新營別墅寄兄云懶性如今成野人行底由與不與身莫驚此度歸未改買得山居正值春

竇氏連珠集



鞏嘒嘒詩一何神妙恨此少不見其集聯珠之  
最也戊戌歲中元前一日夷門旅舍書 潛夫

夜吟竇集追思夷門題處已三稔矣悽然感

興書之

往歲記時梁苑後今宵吟處洛城秋浮生瞥電  
人何在懷舊傷心淚迸流三徑竹風隣笛怨一  
庭霜月井梧愁妻兒未會余惆悵只怪燈前不  
舉頭 自鞏而下皆 大天所題慕而錄之  
甲子歲春初中儀李公借此詩抄寫得每何  
秘監尹公借去云已失墜不復相還余嘗讀此

集寤寐思之至夏沒忽投書於致政大夫果  
蒙見借所恨自少閒暇令扎吏抄錄故多謬誤  
躬親校勘頗亦改正因得吟味喜不自勝刑部  
員外郎兼太常博士和記

時乾德二年六月廿五日雨霽

峴讀過

余家所藏和峴所校五竇詩世少其本和所跋  
甲子歲即乾德二年也秘監尹公者尹拙也致  
政大夫者吏部尚書致仕張昭也昭字潛夫題  
鞏詩後一篇稱潛者即昭也刑部外郎兼太常

博士和者峴也後有題峴讀過者峴季弟也惟  
中儀李公當時為禮部侍郎而李姓者偶忘其  
為何人遠方無書可考姑俟知者今刊諸公府  
庶永其傳淳熙五年四月旦日

朝散大夫權知蘄州軍州事北海王崧書



何義門先生校汲古閣刊本跋云康熙辛卯春日購得董九素以藏宋本也  
顧大有舊物因改正五十餘字中朽者小館聽子規一編諸本皆脫去或可  
笑者和峴王莊二跋中大字皆訛為大夫人不通今古其陋如此因以至此  
解云之以上俱何謙此本辛酉歲假于吳門蔣君芬香以同治元年校過正至序  
後三十餘歲其中如丁挽毛校滄東毛校作謝毛校約世畫毛校少母家毛校李舍人  
少尹毛校假日看花毛校因其毛校也者以此本其何由致之若誠為善本矣  
蔣君其什襲而藏諸

同治元年寒食後三日風雨之夕滑澁記

